

1
CAVE CANEM.
DE VITA, MORIBVS,
REBVS GESTIS,
DIVINITATE,

2
GASPERIS SCIOPPII
Apostata,

SATIRICON.

Auctore

TARRÆO HEBIO, NOBI-
LI A SPERGA,
Germano.



HANOVIAE

TYPIS WILLERIANIS.
MDCXII.

MANIBVS DIVINIS
LITTERATISSIMI
OLIM DVM VIVERET,
mortalium,


IOSEPHI SCALIGERI.

ANIMISQVE DEO
PROXIMIS
ERVDITIONE INTER
VIVOS PRÆCELLENTIVM,

ISAACI CASAYBONI,
IANI GRVTERI,
MELIORIS GOLDASTI,
DANIELIS HEINSI,
DOMINICI BAUDI,
CONRADI RITTERSHVSI,
FRIDERICI TAVBMANI,

SPEBVS SVRGENTIBVS
EVSTATHI SVVARTI,
Iuuenis Litteratissimi,

DEDICAT, INSCRIBIT,
NOBILIS A SPERGA.



SATIRICON DE VITA, Moribus, Rebus Gestis, Di- uinitate Scioppiï,

I N C I P I T.



VID in cœlo actum viderim,
pridiè quàm illic essem, narra-
re volo. Nescite quod dicas
nulla inuidia vetat & hoc olim
monstri erat simile, cum patreis
à Cœligenis secarentur. Hodie
eosdem adoptâtibus cilligenis, aliud negotium
est. Nec quisquam vmquam de Vanitate verba
fecit, quin Somnianteis eximeret. Et nec quid
nec quare noua secta hominum, omnem Peri-
paticismum expulit, vt de nullo liceat dubitare.
statim mentita omnia scias, quæ Philosophi di-
xerint, vt tandem aliquando melius inter ho-
genus quam Horologia conueniat. Ne tamen
contra se ipsam vel in vno hoc regula sit bonæ
Fidei, excipias iussit Pater Patratus, quæ ipse di-
xit. Quæ quidem cum qualia sint, ignoret, man-

A 2 dab:

4 SATIR. DE VITA, MORIB.

dabit credendum, vera esse vel VERIS tamen SIMILIA. Ipse enim nihil nisi mendacia vnumquam sciuit, vt facilè sit Syllogismum absolueret. Ea vero, mēdacia videlicet ad vnum omnia, iam inde à cunabulis edidicit, cum primitus manuleatam tunicam gestitare occiperet. Quod quidem ipsum etiā tempus ignorat, ne vel heic suspicionem Veriloquii incurrat. A matre enim adhuc rubens comatus esse incepit, nec sectam iam in desuetudinem morositate hominum ductam, ex illo tempore deferere voluit. Verum illum hominem diuinum, siquidem nondum ex suo & omnium voto Deus est, cui fata sua nihil vnumquam negarunt, Pythagoricum, puto, omnes sciunt: Fortissimè enim Iamblychat. Vnum dubium quod ex cunctis seposuit sibi, in concilio Statuarū ad Variam nudius tertius decidetur, Culina modo Glacialis non defecerit, maneatq; suus doliis honos. miserrimis sanè hodiè Sapientiæ instrumentis: quæ cum ab hominibus olim regio supercilio habitarentur, ipsos modò Constantiæ præstitos habitant, inania etiam, ne quid plumaceis discipulis ponderis faciant, in iis præcipuè regionibus vnde expulsi Terriscalponum filii, post Alpes, pro sepulcris patrii

patrii artificii fumum fodicare coguntur, ex quo Furibus postea hæreditates nectuntur in Barbariâ. Verum enim vero, vt video, digito opus est, ne, dum virum chalyps trahit, Harpocrates adstet Otiosus. Suprema Cereri spica sertum comferat Auctumnitate iam calente frigore. Vt paucis rem absoluiam, si fortè alibi opus futurum hoc genere carminis, ne ex vicino petendum sit. Sane quod domi suæ possidet, neminem sibi inuidere decet, si quidè citra periculum potest. Hoc vero immane quantum ambustuariorum Con truncatorum est, qui non ex quouis quidem ligno Mercurium, ex obuio tamè iambo Hermen facere possunt. Dii Deæq; homines ament quibus tam lapides sunt vt in quarto quoq; carminis pede alas requirant. Ne quid de iis dicam qui etiam claudiores de claudis in suæ celeritatis quæstum facere satagunt. Pridiè idus Quintilianos fuit, hoc ipso anno, quo peperit sese, qui numquam conceptus est. Cane bubobouilibus Rhetorum, die festa, aut certè præterpropter. Nam in tantis tenebris exactè perspicere ater an albißimus sit, ne chalcenteros quidem ille promiserit, quo oculatior nemo vumquâ Cæcus fuit. Qui cum omnia edidicisset, hoc vnum tamen

semper ignorauit, esse stabulum Pronoiæ in vesica Quadruplatoris vnius, docti ad vnguem digitosq; decem, integro iam seculo, sursum & deorsum volitantia mendacia, in vnum follem cōpingere, ordine mirificissimo, vt vbi nec pes foret nec caput, esset omnium membrorū vicem lingua illa expeditissima, ita vt nemo quicquam in toto filo corporis præter funem desideraret, non autem illum Lucretii, sed quem à Vespillone suo dudum meritis fuerat, cum diuinam illam pericram harpagandi primitus faceret. Eo die, quem quis fuerit ignorari dixit, mani summo primo capicinio somnians argutissimè, cum ad Luciani forum proficiscerer, visurus quid bonum familiæ Philosophorum venum exposuissent, vitrea videlicet fracta, sulphurata pallentia, & reliqua tunicatorum mercimonia sapiturientium; Lucernam vnā offendi, quā pridie à cœnâ domuitionem Menippus fecisse dicebatur, inscripto pretio, & auctore nomine tenus insculpto. Subiit extemplo mirari, diuino nostro illi Zenoni rem tanti momenti non dudum esse præstinatam, cum ex angulo fori extremo aduolans excussit dubitationis nubem Liberius Sanga, homo ad cœlum factus, idcoque planè perspicue

spicuè marmoreus. Is manu illâ quam plerumq;
 plurimam læuam habet, frontem expolitissimâ
 plaudens. At tibi ego occupationes maioris no-
 stri, ait, vbi demonstraui, dubitationis huius
 ansam mirificâ admiratione eximam. Videba-
 tur non sine ioco hæc protulisse, itaque Fidem
 appello, verane, iam credenti, persuaderet? Ne
 meam, inquit, vsurpes, quam foràs me cum no-
 mine meo Bonarisco donasse nosti, aliâ tibi quâ-
 uis verum esse quod nego, spondero. Postha-
 bitis Sophisticationibus istis cœpi hominem at-
 tentius considerare, & non sine sudore ista locu-
 tus erat. Itaque prodigium ratus, quod iam o-
 lim ros statuarum celebre fecit, diuis me credi di,
 posse fieri ratus vt ex alienâ mente verû aliquan-
 do Sanga diceret. Itaq; manum tuam, inquam,
 sequor, si dexteram habes. Diu omnibus con-
 templatis, plures enim habebat quam vllus o-
 lim Ephialtæ fraterculus, visus est vnam inuenisse,
 quæ vnica non esset. Eam, Græco more, mul-
 ta præfatus ad vicinû venalitio ostiolum exten-
 dit, Chamæleonte nigro notatum. Eoque aper-
 to, per longas, etiam somniâti, ambages, & clau-
 stra mille anfractuû, ad antrum me quoppiam
 traduxit, in quo plurimæ species hominibus nō

valdè formam ab similes, pars ad sphæras, pars ad circulos & cylindros, non nemo ad dioptras radiosque, alii ad pulueris cumulum sedebât. Dii, inquam, boni, quicquid hoc animantium est, ut hominibus similes sunt! Sanga vero cui ex diuinatione, & mysteriis tot sectarum, iam dudum omnis fabulæ ordo non ignotus erat; non quidem homines illos, sed plusquam homines, nimirum Astrologos esse. Homines natos esse, Deos spirare ex merito scientiæ. Artificium didicisse supra conditionem eorum, qui terræ fruges edunt, quæstuosum & illustre. Deos ex iis fabricare posse, pro quorum humanitate Afranius cicum non dedisset. Et res ipsa hæc, non Liberii testimonium erat. Olebant enim omnia Nectar & Ambrosiam. Præter sanè ex artificum rationibus nonnullas, quas cum semel inspexisses, illico Stoicos diuinos mortales fuisse diceres, quorum sensuum summa contentis nugonibus istis, in saxum concessit. Verum ego ad Sangam conuersus, cui valde principium hoc videret placere, ecquid in hac officinâ suos sibi forsan noster Pittacus parenteis fabricandos locasset, timidissimâ percontatione rogabam. Ast ille ore in similitudinem humani soni accuratè

con-

contorto, Rude hoc, ait, primæ diuinitatis artificium vides, Interiora digna sunt admiratione. Sed, si placet, rem ad mala ab ouo, siue mauis ad clauos à torque, consideremus. Commodum ista nobis altercantibus, vnus de senioribus Sophis caput cum radio collimauit, vnde res minime prætereunda oculis obiecta est. Atlantei montium longè sanctissimum, qui aure oppositâ quotidiè biberet Deorum sermones, eminus laborantem, tot numinum ponderosis herniis baiulandis, Hercules consolabatur, ita cautè tamen ne quod humeris curiositate sua suis onus parturire videretur. Notum enim omnibus, quã aptè ille lasso regi succedere, penè vnus ex tot millibus Deorum, valeret. * * Proh Deum fidem. Res nouas notauimus. Atlas subito cachinno exsiliens omnem penè fabulam conturbabat. Eudoxo enim eo anno diis faciundis præfecto, videbat nihil noui accessurum sibi. Et priori anno feriatos penè humeros gestirauerat, adeo pauci eorum adspirauerant. Et præterea cultus eorum qui inter præiudicatos iam erant, perquã egregiè euiluerat. Et Deastros illos minorum gentium, hinc inde depexam sibi barbam velliscantis, non magis curabat, quam Elefantus o-

lim culicum insultus. Ea omnia cum ad litteram mihi Sanga demonstrasset, Herculis Fidem inuocantem de subito aliquem audiuimus. Erat Legatio Mauritani cuiuspiã vel Marrani potius, Athletæ fortissimi, qui cum tot monstra fecisset quot nemo olim Thebanus veru ex pueros, Iouis nepotes, cœlum ab astris pice petebat. Et vt id genus hominũ non satis ciuiler viribus vti consuevit, quod negabatur, nisi pretio presente; manu, in qua omnes suos Thesauros habebat, quærere iusserat. Legati enim & numero plures; tota enim cognatio principis erat, & multum de robusto robore magistri circumferenteis, in hominem raptabant, & oborto collo ad inferos præcipitem acturos minabantur, nisi illic cœlũ suo Numini pateret. Fauebat Atlas populari suo; nam de pondere quod metueret non erat. Et ideo minus dubitabatur, quia in optimo & patientissimo monte moræ nihil futurum esset. Ea confidentia cum Maurorum furorem augere videretur, tum demum Eudoxus quanto maximo clamore potuit, Fidem Herculis inuocare cœpit. Aderat confestim Numen celebre monstris domandis, miserorum perpetuum perflugium. Auditâque causâ imò vix benè auditâ, ab impetu

impetu Marranistas remittere suavi vultu iussit. Homini vero suo cuius opem ipse cum Deos scanderet, expertus erat nō tralaticiam, bonam mentem insusurravit. Faceret quod declinare non posset, Gloriam suam futuram, quam meruisse videretur officio. Paucos necessitatem facti rescituros, & si qui maximè rescituri sint, Athletam tanti roboris insuper Deum factū, sanè & Famam illius rei facilè obfuscaturum, & longè civiliorem ad alia futurū, in quibus tanti Philosophi ope etiā inter superos indigere sese sensurus sit. Persuasit non ita difficulter amico suo quod necessitas alioqui monstrabat, eloquentissimus Heroum. Cuius quidem dum in terris erat singula verba singuli clauæ ictus omnibus videbantur. Itaque post illam luctam Deus est, qui monstra tot fecit quot vno spiritu eloqui nō potestis, qui omnium numerum in fronte exscriptum gerit. Harum ego rerum spectator assiduus fui, publicumque testimonium non minore arrogancia facere possum, quam is fecit qui olim Claudium viā Appiā iter facientem in cœlum, sacramento quinquagenariè deposuit. Et intentior ad reliquam scenam eram, cum Sanga meus me monuit, rudimenta hæc verè diuinita-

tis præparatoria esse, Liciturum postideâ spectare eorum successus, qui non vi, neque fraude, nec veneno, sed artium bonarum & virtutû inclutarum professione hunc honorem meriti fuerint. In iis se principem putare hodiè, quem omnes mortales scirent, dictis factisque omnium viuere Illustrissimum. Percontanti quem diceret, (non enim subolebat eum esse qui diuinam lucernam alio maiore mercimonio occupatus, non emisset,) fabulam festiuissimam de nouo Hercule exorsus est. Eam & vobis narrare animum induxi, tum quia, vt dixi, festiuissima est, tum quia is in eâ descriptus memoratur, cuius diuinitatem tanto perè inquirebamus. Ne ego Scioppium heic pingi sciuissem; nisi post ex Colosone vidissem. Nam de eo, mortaline dicam? Philosophorû certè optimo, summa mihi quæque persuaferam. Tanta hominis iam inde à primâ pueritiâ erat apud nos æstimatio, vt mediis fidiis in totâ Europâ decem doctos fuisse non credam, qui nomen ipsius, quod numquam, nisi cum voluit, habuit, non singulari ambitione; sed quid verbis opus est; commune delictum omnium Sapientum quis ignorat? Et illud improbitatis ipsius tum erat præmium, quod cum
 simpli-

simpliciter malus esset soli sibi, nemini nocere posset. At vero postquam conturbauit, & profusus est totâ Româ nequitia insigniorem reperiri posse neminē, Clarior ipso se factus est. Nam in lustris natus atque ad bonam ætatis partem educatus, vaferriimo commento Famæ illudit, & ex duobus natiuitatis patriæque suæ vocabulis vnum sibi insignem & perpetuum titulum confuit. ** Sed ad Sangâ meum reuertar; qui fabulam promissam, precatus ante attentionem aurium, & profanarum cogitationum sequestrationem, ita exorsus est: Me puero audiui senes nostræ familiæ sapienteis vaticinanteis, ex perpetuâ astrorum conscientia discere sese, lumen aliquod grande exoriturum tempore nostro, quod cum corpore atque animâ videntibus omnibus cælum initurum esset, postea quam fanè malorum omnium vsu assiduo tandem nec carcereum squallorem, nec furaces manus, nec pedes fugacissimos, nec caput officinam mēdaciōrum argutissimam, nec pectus omnium numinum contemptu sibi ipsi sacrum sanctumq; nec illa quæ dicere non est, nisi impiissima, tandem Diis inuidere vellet. Exitus post tanti temporis moram, iam arridere incipit vaticinium.

Fuit

Fuit isti, quem nisi Eum nominare non queo. Pater is quem ille cum ubique quæreret nunquam reperisse confessus est. Ideoque, fato manucente, ad nouam speciem arrogationis citra omnem arrogantiam grassari coactus est. Denique generosum præfectum, hominem Cadaueribus pollucen- tis mirè dexterum, in patrem, nec perpetuum tamen, adoptauit. Hanc enim cum eo conditionem officii pepigit postquam adultus factus est; se nolente, patrem sibi futurum neminem. Scire omnes quid iam olim cum nobili homine Mûstero periclitatus fuerit, nolle bonum Vespillonem eo onerare, quod possibile non esse sciret vnum hominem perpetuo sustinere. Se enim mutandi generis causas quortidie nouas habiturum, quarum subtilitas rusticis hominibus non capiatur. Itaque dum à suâ claritate lucrari & præfecturæ & Fortissimatus, & Clarissimi Viri titulos veller, Patrem sibi pro vsu & tempore cum vocabulo mutabili præstaret. Dudum ex matre se sua cognouisse, in populo plurimos esse quos citra metum Legis Pompeiæ saxo ferire non posset. Iniuit homo fati noui legē, & cum vxorem venalitiam accepisset, quæ miri istius hominis genitrix esset, filium moribus maternis,

ternis vsurpauit pro suo. Ipse obscuris & patri suo ignotis oriundus natalibus, summa quidem alia merito, sed frustra, sperauerat, donec vltro factum filiale secutus, isthuc venit. Erant parentes ipsius pagi cuiuspiam incolæ, maximæ matris inculpati coloni, in quâ subigendâ ossa sua consumserunt, nec felicitas defuit beatis senibus, etsi enim oculos non clausit filius, tantæ fortunæ hæres, suis tamen manibus parentum suorum corpora tumulis dedit. Quod cum ante extremum spiritum sperare haberent, quis dubitare potest, felices esse compositos, & absq; querellâ senium totius sæculi clausisse? Hoc artificio deinde per omnes Europæ angulos quæstum diarium fecit. Viunt quæ etiamnum non pauci qui artificii eiusdem auctorem hûc sibi laudant. Ingruentibus deinde funestis temporibus, belloq; Delmatiam Asiæ collidente, vbi potior videbatur numerus infodiendorum, castra sequi Martia Lucretius noster cœpit. Inibi vltimâ manum impositurus tam egregiæ dignitati, cuius officio nemo bis indigeret. * * Cum repertus est facinus in quo diuinum hominis ingenium manifesto clareret omnibus, confecisse. Cadauer erat hominis plus iusto longi, quem de prosapiâ

Home-

Homericorum superfuisse dixisses, quod per vini copiam imprudens vespillo non consideraverat accuratius. rei enim tenuiusculæ fuerat vivens, nec de quo sperare posset pulpamentum lautius tanti filii parens futurus, ideoque neglectim ad Charontem proturbandus. Cum itaque more prorsus vulgari ad pedes suos locum sepulcro faciendo destinatum subfodisset, iamque corpus ori immineret, inventum est toto sesqui pede longius quam pro spacio fossæ vulgaris. Pendebant dubii omnes, quo pacto res componenda foret. Ille nihil cunctatus facessere populum iubet, & capitalis ingenii mortalis, ex re ipsâ consilium arripit. Acuto cultro, porcorum Deliacus, quem in usus alios gestitabat, illico genua miseri illius amputat. Et nullâ pausâ factâ cum suis sibi abscissis cruribus cadauer in foveam præceps inagit. Quærentibus multis nemo invenire celeritatis rationem potuit, quâ in tam bello artificio usus foret. Cum unus è plebe nasutior paulum æquo suffosso specu scenâ feralis illius contruncationis aperuit. Ita præter solitum penè nequiter isthac ingeniositas fortissimo viro expectiuerat. Coactus inde eius negotii gratiâ properè se amoliri, vehiculum in itinere nactus est facundis-

cundissimam Comitem, quæ iam tum scilicet nihil indignum futuro filio suo fecerat. Publicè enim Patientiam militi professâ, mirâ virtute omnium vires in se vnam deriuauerat. Vix vidisses constâtissimam mulierem, quin illicò ex formâ & ipso habitu matrem futuram dixisses summi alicuius Stoici. Durissima enim quæque se amare vel tacens vociferabatur. Mulier clementi fidere nata, cuius mater Venerem mirè propitiam habuerat. Huic cum procul se approbauisset Egregius miles noster, ilicet sui generis gentilem agnouit. Mirum quam ille sæpè, rem, factam sæpissimè, fecerit, priusquã gaudia sua sentire posset. At fœmina ipsa probissimi animi, quæ nemini vmquam negauerat, quod nemo petere ausus fuisset, hunc commilitonem fortitudinis suæ nacta, penitus cœlestē suam indolem omnibus demonstraui. Perpetuo enim motu gaudēs originem cunctis approbabat. Nec marito inuidente, cuius operæ in terrestribus occupatæ, spes tam alti negotii non adscendebant. Et amabant inuicem & amabantur diis hominibusq; fauentibus par omnibus modis absolutum. Quid ego nunc itinera omnia euoluam quæ diuinus iste puer cum matre suâ fecit, priusquam eam agnosceret.

sceret. Dicitur deliberasse diu, cum nōdum eam salutasset, ecquid tantæ familiæ matronam non erubescendam putaret? deinde de eo dubitare habebat, quâ parte à matre excretus foret. Nam quâ aliæ mulieres solent, illam ille totis viginti annis post primum in Priapi sacello inuentam matri adsuturus erat; nam palam eâ hæcenus caruisse, quicquid mōstri fuit, profiteretur. Porro de alterâ illâ posticâ confiteri, inurbanum cēsebat, ideoque sæpè rem diffidit. Generis quidem cunabula sibi ab ipsis Traianis vel Cæsaribus reperta nouerat, quōi in fatis erat de Scaligeris Burdones fabricare. Sed Neruam in omnibus astris timebat, quem cum in parentis imaginibus uideret quottidiè dici non potest quantâ semper sit ambitione execratus. Post aleam tamen longam cum opus haberet, Matrem agnoscere uoluit. Non talem tamen, qualis hominem pepererat, sed qualis cum Munstero antea lōgè lateque clarequitauerat. Multis ambagibus prius de inhonestæ illius partis silētio pactus, ne postea sibi cunnificium illud argutissimum periret. Cum itaque matrem certam habere deberet, eiusmodi eam figurâ habere uoluit, qualem nemo facile æmularetur. Cum infantem illa siue
profu-

profudisset alias, siue enixa adeo esset parentē p
 Poloniā, Hungariā, Bohemiā, frustra diu quæsi-
 uit; eius enim adoptatio puero nondū liquebat.
 Nec quā illi patriā daret in certo habebat. Vbiq;
 per ipsa centū milliaria cōceprus, aliquoties na-
 tus priusquam lucem videret, deinde mammam
 trahens per omnia stabula Germaniæ & Polo-
 niæ, quā patria gloriari vellet, ipsi sanè relinque-
 dum erat. Post natū matris maritus subito hinc
 inde gaudium suum propalans effecerat, vt tam
 magni infantis educator ad honoreis capeffen-
 dos certatim euocaretur. nec vulgaris sane for-
 ma erat. Oculos enim in occipitio, nasum in sto-
 macho, vmbilicum in ore, manus in læuā am-
 bas, penem in fronte, pedes in ventre habiturus
 erat. Elegit igitur ex omnibus officium oblati
 maximè illustre. Et quale decebat quem facino-
 ra sua semper armatū incedere iubebant, omni-
 bus præferre. Præfecturam LiCTORUM, ne sine sa-
 tellitio Regis parēs ingrueret. Vbique iam dum
 Genius filii tam festiui trahebat totā familiam.
 Itaque quærendum non est, quibus ille machi-
 nis ad eam dignitatem adscenderit. Summa e-
 nim Fortuna semper Ratione carere consuevit.
 Hanc ille per annos aliquam multos cum laude
 sine

sine inuidia tamen omnium sui dissimilium, sustinuit, lucrum verò omne in vnum torquem aureū compegit, quo & reliquas suas virtutes constipabat, grandem illum, & de quo pendere cum omni familia solido iure potuisset. Sed rapitur ardor narrationis in medias res, & laudeis filii ante diem paternis immiscet. Stoicus noster quamprimum matrem erupit læua manu quod potuit traxit. Aui sui Mercurii inuitator. Dextræ quam & ipsam in sinistro latere habebat, lusus alius non fuit, quam nunc etiam est. Scribere litteras nondum didicerat, ideoque gestibus patrem suum futurum vitilitigare docebat. Sensit prima mater, & Obstetrici, ea miles ipse erat, indolem diuini infantis commonstrauit. Pro certo narrare nō licet. Est tamen qui adfirmet, coruum grandem cum socio graculo triduum integrum in ea domuncula fata præcecinisse, in qua natalicium festum celebratum est. adfuisse etiam frequētes Harpyas cum aquilinis ungulis, chorumque vlulantium noctuarum, quæ genethlia con cantillarent. Pater sanè iam dum aues istas amabat eximiè, sepulcris auium suorum excubitores agnoscens perpetuos. Quæ nemo vmquam saluis cruribus reliquit, altiora ad cœlum

lum totis viginti cubitis quam vulgo cippi fieri consueuerant. Et ideo facilior iis via semper ad superos fuit. In quo vno sanè, vt mortale nihil perfectum est, infelicitatis aliquam labem patitur fors Antithei nostri. Nam si monumenta patrum suorum respiceret, faciliorem lōgè ad cœlum viam adscenderet, quam illa est, vsq; adhuc per omneis anfractus homini tot iā annos quæsita. Et profecto domi reperire potuisset, quod in Baronii libris tanto opere & tempore rimatus est. Sed ignoscat fatum sanctissimi viri. Etiam renitens tandem id aliquando sequetur. Volebat Sanga pluribus ordinem cœptum persequi. Sed ego, si tibi integrum est omnem diem tinniendo eximere, vel in via hic confedero, vel prorsus me à te amoliar. Videris enim talia narrare, qualia solent homines inepti qui eos extollunt, quos deprimere nequeunt. Tu enim vltra omnia mendicabula in stercore degens infimo, personam tibi ipse tam gloriosam affingis, tuasque, quas aliter nequis, res gestas sub fictis nominibus percensitum venis. Cur enim nomen historiæ non addis? Cur de Parente & Matre tam ambigua & dissona refers? Indignationem ille interpellans, liquidò iuravit ad se ista non perti-

pertinere, nec eo altitudinis spes suas escendere, qui sola sit vmbra viri cum tanto Viro comparatus. Nomen ipsum nondum in seculum venisse, quale quidem pro certo gesturus Bias ille videretur. Alia longum esse persequi. Hinc inde enim cum titulis illis magnificis Hispaniam, Italiam, Galliam, Germaniam, ea circumequitare. Quarum nulla non prouincia nouum nomen tam eximio Sopho apponere voluerit. Cum ipse tamē vno solo se æstimare consueuerit. Sed eo incertissimo. Mutasse enim iam dum per omnes litteras. Porro de Parente vtroque rem omnibus liquere veram narrari, nec tam contraria fingi posse, quā ille diuersis in locis de se ipse composuerit. Inter hæc ad aliud spelæum nobis aditus datus, in quo soror Astrologiæ, per ipsam Cœlo adscripta, habitare dicebatur. Nomen si quis nescit à me numquam expiscabitur. Non enim is sum ego qui secreta Deūm in vulgus effutiat, quæ mystæ vix omnes norunt. Inibi cum multas vndique voces variis nunc tonitribus, nunc stridoribus, nunc bombis, modo sibilis inuolarent, & dissonis omnia sonis streperent, essetque aliud nihil nisi mera cantionum & clangorum mapalia, Sangam prehensum brachio v-

no rogavi ex cōfusa hac turba Deissantium quā
 posset ocys educeret, aut neglecto officio pe-
 nitus me ad forum reuersurum. Ille respiciens
 tergum suum immanem mihi fascem clauium
 ærearum ostendit, quibus scilicet nisi instructus
 forē, se inuito pedem referre non possem. Nol-
 lem igitur aut vellem suo me sub imperio esse.
 Quid agerem miser. Superioris fabulæ condi-
 cione ab homine exprocatus sum, vt per medios
 illos clangores me traduceret, quiduis velle pa-
 ti, ne eum tumultū pati cogerer, quam aurium
 mearum teneritudinem nosset. Cum bono ita-
 que Deo fabulam exorsam, quamprimum an-
 trum istud egressi essemus detexeret. Adeoque
 vel à capite ipso exordiretur. Mouit hominem
 dicti festiuitas, lingua enim quàm auribus erat
 procacior. Itaque laciniâ auribus obturatâ sequi
 me iussit. * Deorum hominumque fidem ap-
 pellabam mecum, * sed eo habitu perstare non
 poteram; nam cum Liberius noster quid narra-
 ret os ipsis mihi ceruicibus applicabat, ne quid
 sermonis abortum pateretur. Deinde ita quod
 numquam finierat exorsus est cum vno mense
 plus centies millies narrasset. Ad ipsum nunc de-
 scendat pusum oratio, cuius Chaldei nostri tan-

to spacio genituram anteceperunt, vt multi indignanteis eo solo nomine perierint, quod tam luculentum indigetem coram complecti posse desperarunt. Ille vt primam terram attigit sese ipse fustulit. Longum erat matris aut educatoris voluntatem morari. Denique cur non à semet ipso initium artificii, quod faberrimè facturus esset, faceret? Initia ab infantia quæ pueritiæ fuerint, horribiliter sit dicere. Nihil iam tum plebeium sapiebat, cum Reminiscētiā ex Platone nondum didicisset. Diuina omnia moribus & ore præferebat. Ad tristia omnia ridere, lætis indolescere, planctu tum demum abstinere, cum ridenteis parentes conspuisset. Infantum omnium intellectū exquisita epularum ingurgitatione exscendere. Adeoque bis parentes sola voracitatis præstantia nec dum quinquennis solum vertere coegisse dicitur. Operatur sane in mortalibus fati ante diem Conscientia, & celerius annis suis illustre ingenium crescit. Culinā ille omnibus vbique sanctuariis longe præponebat, nec à semel capta abigi poterat, donec cum fæce ipsa exoculasset omnem. Viliū contemtum quortidianorum mira industria præ se ferre, si quando fortuna lautiori vinculo hominem

ad

ad præsepe destinasset. Sæpè parentum familiarum oribus buccam extorlit. Sciens scilicet maiorem aleam de sua salute quam illorū nau-ci hominū verti, simul vt genus suum iam dum ipsis commendare videretur, quo semper prærogatiuam meritus est Pallorem quidem illum diuinum penitus Socrati abstulerat. Quamquā præceptore suo vt in aliis omnibus etiam in hoc multis millibus prior. Nigricātem enim faciem primitus, cum crescentibus annis penitus immortalibus illis Æthiopibus descripserat. Nec quicquam iam distabat à parēte Charicliæ; Regem enim Sapientia factura erat. Futura vero ille omnia pro præsentibus habebat. Adeoque fumum tenuem cernens ex torre manantem, iam comedebat reliquias. Cum primum pedibus inniti & vestigia figere potuit, omnibus vicinis voracitatis valentia procul depulsis, solus Sapientiæ suæ sine sale sæpè vacauit. Strenuus esuriem octiduanam vnius diei opera assidua exscindere.* Quid dicam quam ille sæpè macella præteriēs Diogenes esse voluerit, cum semper tamen Bona Scæua miserata sit sui pulli, proque crudis coctum aliquod obsonium clanculum obtruserit. Et sunt sanè qui prima Mercurialis scientiæ fundamenta hac indole

aggressum dicant. Panem vicinia iam nullum venalem habebat, cum de Opsonio coram in platea accusaretur, viduus pistor pulmēto panaceo, scenā accusationis risit. Nemo iam Lamiscum nostrum impunè grassantem viderat. Quoties domo vacuus Hermogenes exhibat, toties probè suffarcinatus redibat. Et Parentes sanè suos quæstu manuario satiare poterat. Sed ille pietatis priorem habebat rationem. Ab his enim picatas manus exercere incipiebat. Inter hæc initia pueritiæ tempus consumserat, cum iam se de suis facinoribus posse alere videretur, Studiis litterarū animum applicare cœpit. Nec ego quanta pernecitate ad summū in illis venerit decus, effari velim. Res ipsa testimonium incomparabilis ingenii perhibuit. Cuncta prius scripsit quam legere posset, emendauit, quam scriberet, edidit, quā emendaret. A deo omnes in hoc suo delicio vires experta est Dexteritas. Scholaribus rudimentis ipsos magistros suos docere voluit. Nemo tam cati capitis fuit, qui discētem ferre posset. Hinc factum est vt statariam nullibi locorum fecerit. Prius ab omnibus exactus quam pedem penetraret. Grammaticas prolusiones examinandas cum daret, id solum agebat, vt de eruditione magistrorū experiretur.

rireretur. Erroris nemo unquam vel puerum con-
 uicit, adeo nec in hac parte humanum quid pre-
 se ferebat. Rhetoricam professus est, quum num-
 quam declamasset. Agebat natura in hoc sponte,
 quod alibi per industriam vix extundi ex se pa-
 titur. Iam vero cum ad Dialecticas strophas ve-
 tum foret, quis usquam ex tot millibus magistro-
 rum argumentantem refutare nisus est? Album
 omne nigrum erat, adeoque ipso differente asini
 sine pennis volabant, ut nunc eques ipse sine e-
 quo equitat, & hoc sophisticationis genus ne-
 mo credebatur puero utile esse, iam virum eum
 cernentes, omnes mirantur acumen. Vox bona
 etiam infanti erat. Adeoque Claudianum in more
 sapientum omnium pluteos rumpebat. Memini ali-
 quot dicentes audiuisse, qui iuuenem audierant
 cum latus exerceret, penum omne opus anhelitu
 perdidisse, adeo intentis nervis incumberebat.
 Quod cum toties faceret quoties copia esset,
 numquam tamen vel deprehensus color emu-
 tauit, nisi semel, & id perfunctorie. Et in hoc
 sane omnibus Philosophis sine exceptione il-
 lustrior exstat. Omnia eodem vultu dicere &
 facere iam olim consuevit. Pallorem quottidia-
 num ab eruditione habebat. Quotum cor-
 pus intus occupatum habens, ruborem ad se o-

meum attrahebat. Sed eum rari mortales videre poterant. Nam Epicuræam in super nubem induxerat, suetus tonitribus aduersam frõtem opponere, nec nisi dirissimis fulguribus à diuina illa fenestra, per quam omnia cœlestia & humana dispiciebat, coactus secedere. Pudorem ne fidiculis quidem fronti extorsisses; nam & nullum habebat penitus, nec, qui cetera omnia accuratè notauerat, quid hoc vocabulum rei insigniret, nunquam discere voluerat, & frons præterea ex eo genere lapidis erat, quod ne dolabris quidem perfringi, sed solo sanguine hircino domari potest. Id quidem semel penè nequiter expertus, ad adstruendam rerum naturalium fidem omnibus ipse testari solebat. Nescio enim quo malo fato Ingolstadii cum vigilibus nocturnis, ex contubernio maternorum procorum domum serius bitens, quod sibi de via non cessissent, rixari incepit, qui cum alioqui non molles forent, hominis betaceos logos ferre non potuerunt. Et vnus paullo humanior impacta valido brachio bipenni frontem homini totam hircino tabo perfudit, cõtusam quidem antea quo ad pote erat. Hocque durissimæ rei molliendæ mysterium sodales omnes suos in Peruvigilio Veneris, quamprimum id repetere potuit,

potuit, in Commētarios referrent monuit. Sed nec aliud experimentum notitiæ naturalis, ad quam ille factus est, prætereūdum putem. Vngues miluinos quo pacto mollitudini lentæ atque aquosæ trāsdere posset, de suis sibi pedibus periculum fecit. Sanè exitus eousq; conatu arripit, vt negocium ad finem aliquē procederet. Sed cum ignoraret toties sibi trans Alpes refugiendum citraq; & vltra equitandum pedestri stilo esse, mallet id facinus sedentaria opera nō patrasse. Nunc enim pedibus æger est, nec lenitudinem suam vllō fumo exsiccare potest. Sedet proinde in stabulo facinoris sui, æternumq; sine Hercule infelix Theseus sedebit; adeo, vbi Orbilius qui nuper in ea gente, vbi nunc viuis interest, clunispicia publica fecit, palam testatus sit natem neutram homini superesse. Altera sedendo attrita, altera in pulpamentum Lemuribus pro millibus mendaciorum quinque data, vnde integrum aliquem annum victum sibi procurasse sperat; nam & Datarium nactus est, hominem & sapientem & sapientibus familiariter fauentem, & hæreditas Palatina ad integrum triobolum profuit. Verum si quando fata fautorem suum Germaniæ terræ reddent, mirabilem sine natibus & præputio Stoicū vi-

debitis. * Ut qui in propatulo omnia facere velit, & diei vsum necesse habeat ab oculis hominum emendicare. Nemo enim nunc ibi est, qui patienter eum intueri possit. At ego fatigatus tanta orationis volubilitate, nimium in quā Sangifce, tu nobis extra oleas vagaris, & via ista satis alioqui amœna est, (pratū enim amplum erat & amnibus clemētibus hinc inde irriguū, virorem herbarum gratissimum, argenteo vndarum candore distinguens, multo gratiorem adspectum reddebat, & florum omne genus locum Veneri matri & nutrici, Floræ conciliabar) quam fabulę tam prolixę immortalis puto historia, obfuscas. Nā ego nec dum de quo sermo sit intelligo. Ille vero egregius sermocinator, vltima mea verba medius irrumpens, vix tantum pausę oculis dabat, vt inclementer me intueretur, sed perpetuum carmen sine respiratione decantaturus, toruioribus prioribus vocibus, ita porrò insonuit. Iam omnem orationē si ad hunc vnum locum cōparissem, eloquendo assequi minime possem quid in peculiari sua scientia, quam & eo nomine arti artificiosissimę includere voluit, præstiterit. Vnum tamen prius egregium facinus oblitterandum, nō est. Captis quantum satis erat ad omnes exsuperan-

perandos alios litteris, subito furore Bellonæ concussus est. Iam patrem adoptauerat. Itaque bona eius ad se pertinere ratus, cum cingulum iā cepisset, & machæra insigni cōspicius omnibus libris despretis, fulminaret hinc inde Ma- uortio ardore pugnandi, venit in mentem, priusquam campo se aperto committeret, & paternas strages latius dissiparet, de viatico aliquo sibi prospicere. Nam nec fortissimis viris vbique itinera & com meatū facilem esse. Præterea eximie sibi de vulneribus metuebat, expertus scilicet quo dolore Deorū sanguis plueret. Torquem eius rei gratia grandem aureum, quem bonus & fidelis pater thesauri loco habebat occultum, ex interuersis Cerealis potus prouentibus, & successibus aliorum lucroforū strategematum. Deniq; etiam genii paupertate corrasum, si quando fugæ necessitas incūberet scilicet, ut ipso se suo patre, quem penes imperium eius artificii omnes ponebant, multo eruditorem & astu potentiorē venditaret, scapularum suarum fiducia, & ingenti promptitudine fretus harpagandi, ex ipsis custodiæ penetralibus miro ingenio irrepens, inuolauit, furatus est, abstulit pro suo pergræcando atq; heluando clam palamque in lustris, in popinis, ta-

stimulis prorsus efferatus. Plane virgas infamie sanguine diuino lauisset noster Stoicus, re ipsa experturus fortissimi precepti vireis, sed non quo optaret modo. Cum fortuna propitia tot suos lusus vnius hominis vltionis auida dextera proturbari videns, respexit pullum suum. Et animum quidam effraenem militis, qui ut poena fatiaretur nihil omnino pensi habebat, gnarus expertusque; suo opte exemplo cum funem suarum virtutum monumētum domesticum adspiceret, venia maleficorum animos deteriores, & ad vltiora audenda rapidiores fieri, quo ad petiit per interpretem publice poene Caduceatorem inhibuit. A carcere vero, qui scilicet poenae loco iam olim non fuisset, excusare delicatum suum Gnythona erubuit. Compactus igitur & ferreis in eum catenis demissus crapulam sane perbellè exdormiuit. Parenti autem pro tā humano hospitio gratas gratias egit, repensurus utique; qua fide in genus suum est, nisi post tot praelia Lucretium Natura repetiisset, ante quam specimen spicere gnatus gratitudinis suae posset. In eo carcere fama est hominem solitudinis nimio amore occupatū, primum ad Stoicorum dogmata animum applicuisse, non ut ea intelligere niteretur; quis enim ab illo tale quid

34 SATIR. DE VITA, MORIB.
exacturus sit? Sed vt maculatam horridi cubilis
quottidiano carcere, quâ posset, elueret. Sed,
quâ capitali calliditate calet, in Germaniâ vbi
hoc principium omnes norant, disciplina nouę
fundamentum ponere non erat. Itaq; pepercit
studio diuino vsq; dum Teutoniâ humũ ver-
tit, & cū intestinis omnibus trās Alpes in Cam-
pum Martium nidulatum exiuit. Vbi cum diu
hanc sectam professus esset, ne penitus princi-
piorum obliuisceretur, Senatus Populusq; In-
clytæ Venetiarum vrbis, hominem quampri-
mum pro exploratore ad se vêtitasse comperit,
studio veritatis in carcerem deportauit. Ibi soli-
tudinis amatæ admonitus frustra secum rixari
incepit, tandem tamen cum paupertatem acu-
minis, & scelera prorsus non captiosa sensissent
proceres, miseram & miserabilem vulpeculam
egenam rerum omnium de mansione infelici
nauseantem finibus suis in maximâ malam cru-
cem faceßere iusserūt. Sed nec ibi morum suo-
rum oblitus est, lōga enim & delinifica oratio-
ne ipsum Socraticũ illud habitaculũ sibi vsq;
adeo conciliauit, vt multi putent, quamprimũ
hominem recepturũ sit, post illà numquam di-
missurum esse. Adeo bene ollæ cum operculo
conuenit. Sed contubernium hoc pro infortu-
nato

nato iam abominari dicitur. Nam in principiis penè finem rationum suarum inuenerat. Idcirco mauult semper corticem lambere quam tãtis impensis interiora sequi. Verum abstulerat series cõnexionis fabulosum Historicũ. Ideoq; videbatur tempus esse denuo interpellandi. Et noua methodo ingredi placebat. O Sangisce, inquam, noster, vt mellita atq; suauia de istoc homine, quicũq; tandem futurus est, narraſti! Quæſo nunc iter bona fide perſequitor, narrationem cras & iſtam repetiueris, & vſq; ad colofonem porro vniuerſam omnem deduxeris. At meus magiſter ſpiritu in os collecto intẽſiore etiam cauillatione loqui cœpit, & nō procul abeſſe domicilium illud ætherium, quò tenderemus, & vbi res viſuri eſſemus mirificiſſimas, obfirmarem animum, & aduerſis durarem. Et reuera altera iam regio aëris videbatur, neque procul ad Lunæ orbem adſcensus aberat, ſed ille, vt videbatur, ſponte ambages quærebat, vt quaſi neſcientẽ oppletũ opinionib. de ſuo magiſtro illuc ſiſteret, vbi eũ principibus Diis immixtum iam ſubſellia alta tenere autumabat animo. Igitur nec quid nec quare, fruſtratis omnibus meis argutiis ſermonem cõtinuare inſtitit. Poſt emiſſum atq; adeo expulſum carcere

filium, (amare enim cōscientiā sceleris iam latebras videbatur Speculator illustrissimus) reductus ægrè eo est miles, vt ne arrogatione se abdicaret. Nam Furiosus ardor animū coquebat, breui se fortunis omnibus expulsum iri opinans, si vitam filius eo pacto persequi insisteret suus. Sed non deerat matertera magna Libitine filio. Tisiphone, veteris vetusti facinoris figuram ob oculos ponens, quo ille iam olim & antequam Fortissimum à filio exprocatum esset, torquem ferre cogeatur ferreum. Eius rei ergo ne addito filii scelere paterna etiā merita imminenti supplicio refricarētur, maluit blandiri aliquantulum, quem peius se ipso odio habebat, immortalis ingenii pullo, adeoq; in eius male gestis rebus suis etiā ignoscere. Quicquid huius rei fuit, ita sanè attonitum fecit illius technæ publicatio gloriosum adolescentē, vt patrium illum militiæ Amorem penitus ex animo deleteret suo. Igitur, quo Naturæ fauor antea duxerat, nunc maiori conatu ad litteras animum applicare cœpit. * Denique relatus est ad studia sua, sine quibus vitam acerbā sibi ducebat. Hærebat tamen scintilla semper fortunati illius temporis, quo instructus torquis aurei subsidio Soles sibi cōdiderat suauissimos, animūq; ægrum cupi-

eupidine voluptatum torquebat. Non quod villo pacto ad eas reuersurū se putaret, qui nullius nummi dominus post carcerem vniquam futurus videretur. Sed quia priuato exercitio mentem quothoris admonebat dulcissimarū dierum, & ex illo tempore semper Chagettianus audire voluit.* Quod solum igitur potuit, cum nactus volentem esset Ingolstadii Laueranam, & absentis egregii viri Bibliothecæ omnē animam intertraxisset, vnde sperare haberet & Symmachi simul & Nepotis libris, suoq; vētri de cibo aliquot dierū prospectum fore, manibus illis castissimis, quibus nunquam aliquid sine emolumēto aggressus erat, historiam Priapi luculentis carminibus, sed paulo quam par erat difficilioribus antiquitus inclusam, tractare cœpit. Successu quo quæris? Ipsum illum ficulneum truncum, quo nemo vniquam Stoicus peculator fuit, nemo Cynicus vendibilior, Peripateticus astutior, Pythagoricus taciturnior, Epicuræus elegantior, quēq; ille pro præsentiſſimo numine semper & habuit & expertus est, testor, tantam in eo negotio felicitatem adolescentis fuisse, vt maior omnibus verbis re ipsa inæſtimabilis & nunc putetur. Nec arbitraberis alia tantæ viuacitatis scripta vel ipsum

postea fingere potuisse. Nam & nouē integros annos postquam non femore sed natibus prodigii nō excisus sed præcisus est tam felix fætus, latuit inter lucem & tenebras medius, ibiq; omnem inuidiam futuræ fortunę præconsumsit atq; exhaustit. Et cum primum in dias luminis oras prodiit, miro ardore, & penè igne ipso, quē quidem merebatur, exceptus est. Quis secreta illa humanitatis tot seculis latetia, & scientiam mortalitatis fugientia, nō miratus fuerit vnus hominis industriã tandem validos nodos carceris tam longi petrumperere potuisse? Si vulgare ingenium in hoc puluere se iactasset, sanè potuisset plausus omnium ordinum mouere, ab orchestrâ scilicet vsque ad Balnea Martialis. Marathoniana. Quid istum censes, natum ad omnia summa, etiam funeris? Sed de industriã hominis loqui magis est. Principio nulla vox est obscuri antea operis, quam non ille penitus intra viscera sua concoxerit, atq; in sanguinē succūq; suum traduxerit, cum re ipsâ quæ significatur etiam. * Mille nomina nouas ipsi ansas eruditionis augendæ quottidiè dederunt. Expertus enim quæ vis vnus foret, ad alterū ingenti saltu ocysime transuolabat, eoq; pari modo absorpto, tertium aggressus est, atq; ita porro nō

interru-

interrupto ordine, omnia Priapi myrothecia, omne armamentum, hastas, trabes, arcus, nervos, & quid necesse sit omnia percensere, balsameos succos, rores Lucillianos, & mille alia condimentorum vocabula suo periculo percepit, edidicit. Nullum in tam luculento opere verbum reperias, quod non coram suis Commentariis ad viuum descripserit, vsumq; in peculiarē indicem & prorsus Lucretiano timendum reiecerit. In quo quæ sparsa auctor abstrusè hinc inde nomine tenus vsurpauerat, ipse ad oculum docet, & elegantissimâ methodo omnium noticiæ exponit. Vt prorsus iam nemo sit qui non apertum cum sua sibi supellectile & adeo omnibus intestinis Deum videre possit. Quantum hoc reris beneficium? Sane solo hoc trilibres omnis Posteritatis calculos in caput illud acutum meruisse fatendum est. * *

Post hoc specimen intra paucos menses datū, cum omnium fœminarum interesse videretur, post restitutionē lepidissimæ partis Salaciæ nepotē non deserere, ipse Orpheum novum profiteri cœpit, & procul à consortio sexus sequioris ætatem cum Petronio colere. Sed quid faceret? Ascyrtos non erat: Itaq; equestre animus, quo ad hanc quidem festiuitatem, sequestravit,
& sub-

& subfidere optauit Romanēſibus Eumolpis,
 vt non in Africâ ſed mediâ Germaniæ Bohe-
 miâ, aut ipſâ adeo Italiâ hæreditatem aliquam
 opimam cerneret, vel viuentium aliquem illu-
 ſtri nominis fulgore ex Patriis ſedibus aut Ele-
 ctitiis dignitatibus excuteret. Verum quid an-
 te patrarit, quam ducente Pronæâ illuc animū
 applicaret, accipe. Litterariū negocium hæte-
 nus coluerat, in eo veritatis hominem, ſi quam
 vmquam incautus impegiffet, ſeriò pœnitere
 cœpit. Ergo quod corradere falſimonię potuit,
 in libellos quattuor coniecit; Veriſimilium iis
 titulum inſcripſit, eo quidem diffiteri nolens,
 omnia mentita eſſe quæ & de vetuſtis libris &
 ſuo ingenio nec non litteratura conſcripſiſſet,
 ſed ſaltim vt luſum daret doctorem otio, dum
 vero ſimilia dicit quæ numquam illud crimen
 adfectauerāt. Nec malè cecidit dolus; reperti ē-
 nim ſtatim ſunt, qui figuram abſtruſæ ſcientiæ
 explicarent, ſcilicet vt bella dicuntur quę mini-
 mē bella ſunt. Parex, quod nemini vmquā pe-
 percerint, ita Stoicæ gentis dictatorem futurum
 ſimilia veris nuncupare, quæ ne ſuſpicionem
 quidē vllam veritatis pati poſſent. Nam quod
 ſimilia potius quā vera ſcripſiſſet, illum ipſum
 diuinum non voluiſſe latere Poſteritatem, noſ-
 ſe

se se quid ingenio suo debere posset. Hâc deinde publice technâ caput exserere yifusest. Quo factô nullis catenis, nullo neruo tardari potuit, nulla compede contineri, quin in gentiles suos Suspectionû fœtus aluum laxaret. Dii boni, quæ monstra Paratragicarum desultationû in illum aceruum Epistolarû excreuit! Quæuis in tot libris Epistola auctorem suum calore cõbuserit, quo ipsa frigida tot veterum syllabarû ossa, in monstra, Hercules iis mox futurus enicandis, animauit horribilissima. Nec ad opus ferè accedit, nisi prorsus nudus omnis amiçtus, aut tot mastrucis oneratus, vt præter lógissimas illas aures & Lamisci pedes nihil appareat auctoris sui. Videbatur sibi hoc etiam Opere perfecto vltra omnia nomina veterum Litteratorum euolauisse. Itaq; Catalogum eorum, quos superasset contexere cupiit. Veritus scilicet ne tot Heroum nomina æuo interciderent, cum quibus Victoris gloria euanescere necesse haberet. nam suam immortalem esse tam sciebat, quam parentem suam genus suum numquam affirmare potuisse.* Adiunxit artē Criticæ methodo mirabilissimâ compositam, vt vbi nec caput nec pes esset, nihil tamen deesse sentiretur, præter carnem & sanguinem. Et hoc sanè
arti-

artificium libros emendandi pene est vt fateri cogamur solum hunc hominem & benè scire, & dextrè exercere, & alios perspicuè docere. Sed eam ad laudem vnum solum deest, numquam vlli probare potuit, se tale aliquid didicisse, aut discere potuisse. Magno sanè spiritu, comparem suum eiusdem relligionis hominè Menippum Samosatenum cōtemsisse videtur, qui cum duella & disceptationes quondam litterarum satis argutè nugax scripserit, in hoc libro ilia rupisset ridendo: Multo enim argutior & subtilior exiit Commentatio, * & solebat ille quicquid diuinum putabat mordacissimo cachinno persequi. Hoc etiam facinore confecto, cum pauca iam quædam restare viderētur ad summum & Litterarū & Gloriæ imperium, Italiam Varro noster petere institit. Veronam delatus nihil dum earum rerum vidit, quas trās Alpes imaginofum patiens, in somniis viderat. Putabat enim adeoq; pro certo persuasus erat homo mirè suarū virtutū conscius, cum nullam alteri æquare aut postponere, omnes omnibus anteferre soleret, genibus flexis omnes maiestati nominis sui occursuros, & medio gremio tantorum operum conditorem excepturos. Indignabundus igitur cum pro triumphis vndiq;

vndiq; Polcinummios milites Priapi sui offendisset, rogare cum grauiſſima auctoritatis demonstratione cepit, quid tandem iſta ſuperbia vellent ſibi? Ideo ſtolidos ſuos gẽtiles reliquiſſe, vt haberet qui ſibi facerent quod meritum omnes noſſe deberent. Et Iureconſultũ ſe eſſe non vulgarem, ignorantiam non ita facilẽ excuſaturum. Quam ſibi ſoli ſacram ſeruauit ex tot Epimethæis volucribus. Nec, cum primum nomẽ auribus perceperunt, quiſquã fuit, quin agnoſceret acumen multo ante vaticiniis prædictum, ſequi velle eum honorem libenter habere dicerent, ſi ſine alterius præiudicio fieri poſſet, qui in Domina vrbe reſidẽs, animis corporiſque hominum planẽ Platonice dominari, iam olim cœpiſſet. Audito tam ſibi ſimilis viri nomine, cum imitabilem eſſe omnino negaretur, proximus vt illi eſſet, vel defuncto vt ſuccedere poſſet, ſi quã fata ſinerẽt, omnem lapidem mouere velle animum induxit. nam reliquorũ ſine dubio primus erat. Cum ergo Luxuriæ filia trans Alpes illum reieciſſet, omni illuc cogitatione incumbere cepit, cetera omnia reiicula putare. Planẽ vt illum olim Miltiadis Tropæa, ita hunc triplex corona dormire non ſinebat. Quid eo triennio egerit; tantum enim
 tempus

tempus his cogitationibus insumsisse dicitur, sciri vix potest. Certum tamen desperabūdum, cum per tot apparatus eo sibi, quo inhiabat, adscēdendum videret, at proauorum suorum sepulcrū, vt tantæ pietatis Sophum decebat, crucem nimirum seriò animum applicuisse. Et in ea quidem litteris exornanda, vt propitiam experiretur, totus erat, adeoq; omnem anquirendæ materiam constipauerat, cum Fortuna denuo memor Phaonis sui esse cœpit. Triennio iam in præparatoriis Cruci Salię scientiæ decocto, subito Lux fati nec opinantem tenebrionē percussit. Excitatus igitur animo Italicarū sperum memoria, vitaq; torquis beneficio emendatius olim culta, arrepta occasione Bohemiā iter facere cœpit. Forte iis diebus surrepserat nescio quibus eruditis, (quibus sanè de colore notum, intus hominem velle indagare, operæ nō erat,) commendatitias in alium finem nactus, Urbem Regni metropolim aduolauit. Eo desidens, cum pleramq; partem Oenotrii illius spiritus occasione tam facili resumisset. Primum, vt ad vota promptius venire posset, Patriæ Religionī, Sactis iis, quibus instar Salutis supremæ omnem cultum debebat, palam renunciauit, & auctoratus vnius Cœnæ stipendio etiam incerto,

certo, & volatili prorsus, à Deo contemptum omnis virtutis manifestū exorsus est. Iam vnum sibi egregium munimentum adstruxerat, nulli parcere posse, omnia susq; deq; & vnius ordinis lociq; putare, fas nefasq; precio atq; adulatione venale gestare, ore, manibus, pectore, atque animâ, nulli fidus esse qui Diuinum Sacramentum sponte conculcarat. Iis artibus facilè se aliquem futurum sperabat, cum exempla nō pauca magnatū in eam rē excussisse sibi videretur.

* Sed nō erat satis notis suis & iis qui in eadem regione viuebant, ostendere Cerbeream malitiam. Orbi omni & præcipuè suis, quibus olim omnia debere nō poterat diffiteri, insultare, ita vt Deo simul parere non posset, animum induxit. Edidit igitur sacerrimum librum, quo spem omnem salutis pedibus proterere omnibus testatum fecit. Eam partem religionis agnitæ atque confessæ impugnauit, quam nemo nisi desperatissimus tētare vniquam potuit. Hoc primum perditæ & ad extrema omnia proiectæ animæ in Conscientia sua æternum atq; indelebile opprobrium, damnumque irreuerabile indulsit, vt ipsam nolentem volentem publico scripto malitiæ inauditæ subhastaret atq; mancipio transcriberet. Nec poterat Deo Homini-
busq;

busque & sibi ipsi, dum in horum nomine fuit, quicquā moliri perniciosius, nisi quod ipse tamē etiamnum sibi ludere videbatur, & iacta semel alea alia crimina prorsus si posset infestiora adstructurus. Sed eo facinore patrato expertus est, quanquam sentire iam non posset, mercedem malitiæ operis dignitatem non excedere. Inde enim, quam spebus omnibus appetiuerat, Italiam relatus, pro libris Titulos, pro animā venditā, ventosas Dignitatum numquā tangendarum nēnias lucratus est. Et hoc vno sagacissimus mortaliū mirabiliter cæcutiebat, solere taleis operas talibus præmiis compēfari, ab iis quidem certe hominibus, qui artifices fraudum atq; imposturarum acerrimi, nulli facile quid pretii alicuius credere consueuerunt, quem ad partes suas volentē attraxerunt. Nam prima rudimenta experiundi constantiam hominis inde capere adsolent, vnde minimē rerū qui blandimētis nouarum pollicitationū inescatus, penitus non videt suis sese artibus & ingenio peti. Et rectē sanē hoc vnum illi, qui aliarum rerum virtutem eiurasse videntur, & contra suum morem sectamq; . Si enim, vt spes primæ laciūt, quiuis balatro & baratro, qui venalia habet omnia quibus exterior brutis vitā colit,

lit, præmiorum odore incitatus, in fundo reperiret, quibus ostensis in summo scelerum initu delinitur, quantam perditorum hominum turbam quottidiè qui mentiri saltim accuratius possent, eo confluituram censes, vnde reditus paucissimis etiam post agnitum errorem, aut damnatam malitiam, singulari Fati pietate conceditur? Sed præuisum hoc malignorum vulgus sollerter cauent cohortes impiorum Bucenū, ne & ipsis copia discipulorum Regnum improbitatis in dubium veniat, & exhausti profusione tot præmiorum ipsi ad incitas contrudantur. Expertus itaque & horum vafriciem noster Antitheus, cum titulorum abundè nihil vero pro summo improbitatis conatu, opum retulisset, noluit simplici insania debacchata, redire ad castra veritatis, sed desperatorum prorsus signis successit. Nam primò calore Honorum tepescere indies, cum omnia peius videret procedere quam sperauerat, fumum magnatū capere. & dum saluam Maledicendi artē quam penitus pectore perceperat, haberet, nihil non ibi polliceri etiam ex tam infelicibus principiis cepit. Applicuit igitur se lateri vnius insignis um Romæ ex proceribus purpuratis. Eius faciem linxit dum potuit quod temporis ab eo decide-

cidere habuit. nouam artem, quam nullis libris didicerat nemo adhuc litteris exscripserat, exercere orsus est. Proditoriam aggressus, quoscunq; ex patria sua, quam numquã tamen vt dignus, coluerat, vrbem allatos videbat aut per emissarios famelicissimos mortalium, cõperiebatur, eorum nomina expiscari, & ignium Curatoribus deferre, quæstum habebat. Ipse interea titulorũ insignium honore omni suspitione impieratis maior. Sed iudicium hominis in iis admirari licet. Cum enim haberet singularem aliquot electionem, eos elegit, quos numquam vllus ipsi accrederet, quin planè agnosceret eius generis hominem, qui omnia quæreret, nihil inueniret. Cum enim Italiam omnibus pro maximã regulã persuasum vellent Equitem sese Nobili stirpe ex Germaniã oriundum esse, & quidem eã Germaniæ gente, quæ antiquissimæ nobilitatis insignibus semper prima æstimata est, eiusque rei gratia herba factus esset libraria, cum omnibus amicorũ paginis in Scaligeræ generositatis inuidiam diuinum illud FVIMVS TROES, inscripssset, de nouo tamen, vt adularetur conscientiam terreæ progeniei, equestre nomen exprocatum iuit. Eques igitur Italiæ gẽtis citra omnium Germa-

norum inuidiam & fauorē factus, grandes auriculas Midę Lapidis, quibus vnis aliquam nobilitatem demonstrare potuisset, abscondere voluit. Sed id numquam à sociis suę famelicę professionis impetrare potuit. Illorū enim bona pars ipsi inuidebant datarii fauētian, quod indies salis demensum ipsi fumo macerati cum pane rācido hesterni iuris, paullo festiuius præberetur, itaque scenam aperuissent, nisi clauo clauum trudendum adfecisset. Vlyxes Culinaris itaq; equite illo sine armis omnibus cōtentus esse noluit, & vt canem suum aliquādo doceret, quo hero gloriari posset, Comitatum adfectare cœpit. Rarò illum spes voti fefellerat, tū vero immani insuper felicitatis cumulo macta-
 uit. Palatinatum enim insuper accepit, vt iam Comitatus insignia puderet tā ambitiose quæsiuisse. Eques igitur S. Petri, exinde pedum inscēdere solebat, quo quottidie palatium suum inequitabat, more Gallorum, ne caput vmq̃uā inclinare cogeretur. Sed non diu stetit tam insolentis felicitatis series. Mortuo enim subito quem ille edendo se immortalem facturū sponderat, quoties ad lucentem focum sedens metro Tibulli compositos libellos, Stoicā grauitate grauidos, recitauerat, omnes spes resque

eius conciderunt. Ad vnam sanè Titulorum fidelitatem, qui in personâ non rebus exteris hominis hærebant; ii comitari gloriosum comitē non destituerūt. Sed quid ageret? Laudare iam neminem poterat, quia nemo tot titulos satis remunerari, postquam suum illum diuinū purpuratum decoxisset, volebat. Nec, si gratis caneret, pulpamentum aliud quam vngues suos habebat, quibus deglutitis ne fugere quidem integrum foret. Hæc cogitans, omnia arcana familiæ sapientissime excussit, & diuinissimum librum (licet enim dignis verbis res inauditas effari) de Stoicorum pinguedine concinnauit. Quem cum miris modis commendare ipse gestiret, callidiorem technam inuenire non potuit, quam vt omnibus persuaderet, longè mendosissimum esse. Dii Deæq; quot millia Lectorum eâ vafricie ad horribilis & sacri libri euolutionem perpetuam damnauit! Mirissimum omnibus accidebat audire, ab eo homine mendosum aliquid proficisci posse, qui iam inde à cunabulis perpetuū mendis mensisq; duellum indixisset. Et sanè semel non mentitus esse omnibus visus est, vt hoc etiam prodigium, miracula cætera accesserit. Sed hæc omnia prius olfaciens quam quisquam facere posset, aliud artificium

tificium Stoæ illustratæ affixit. Picturam egregiam, quam nec zeuxidos nec Parrhasii manus umquam æmulatæ essent. Satirion cum quotidie pro potu haberet, inde librū Satirici scribere titulo aggressū sese dixit. Satirici, ut iuuenum scholasticorum expurgaret renes, ne quid barbarum deinde peccarent. Exemplum sane doctrinæ futuræ illustre iam dederat, cum in sacello Priapi adhuc admodum puer, vigilaret. Nam ex crypta illā solā & sacrā speculatus erat passerē viciēs, ut minimum, opus facientē, quod ipse toties vix sustinere posset à valētibus octo virgatoribus factum. Cuius negotii cum periculum non ita olim fecisset, in diuinam illam exclamationem erupit, quam, si quid cordis haberet, decebat litteris cubitalibus in æs incisam Porticu tam seueræ præfigere, vnde omnes eam ingressuri de plano legere possent. Nimirum iure doluisse fatendum cūctis foret, virum Sapientem, & Generosum, & Constantem, & Doctum & solum Regem, nisi cum catus de quadris lingēdis inuidiam participaret, homini eam vim inuidisse Naturā quam passer culis, auibus de trinio, & minimē sapiētibus, falsis licet, largā manu indulisset. At o quā mirabile magnæ matris secretum! Quod cum ille

lacrymantibus oculis, & spinâ longum inquietâ deplorasset, ut omnes mortales tanto auctore tandem de Democriti castris ad Heracliti signa cōfugere caussam inuenissent, tri-
dum vnum cum fame pugnare noluit. Et sanè successit spes mercimonii. Nam ex impro-
uiso cum geniturâ suam apud nescio quem ca-
lidum Chaldæum inspexisset, vidit matri suę rem
mirabilem, quam ille semper mendæ suspexe-
rat, plane defuisse. Rimatus cætera, vidit se non
eo loco oriundum quo credidisset Aristoteli
olim. Nam posticam forem magna habere par-
tus sui indicia, te anticâ tacere eo loco melius
esse. Nec stetit vnius hominis contemplatione.
Fœminarū omnium res agi vnâ operâ poterat.
Itaq; quotquot vsq; iam gentium erant, omnes
Concharum damnauit, ut esset quod insignis
artifex non ex ebore, ut stolidus olim Iuppiter
Mycenęo homuncioni, sed vero de trabe Pria-
pi sui, præsentissimi Stoicorum numinis, sup-
pleret. Accinxit igitur operi sese, & tot secula
penitus neglectam partem muliebris corporis,
non sine naso satirico, & ore eloquentissimo,
linguaq; prorsus Aufoniâ, primū fingere, deinde
affigere, mox perpurgare & penitus emendare
fategit, idq; prorsus ut alter Prometheus. Itaq;
vnius

vnus hominis beneficio immortalis factus est,
 ut foeminae iam anticâ parte non pedant, cû an-
 teâ nullibi nisi Claudiana ora haberent. Et li-
 cet iterum plorare fati iniquitatē. Si enim tam
 sagax naturæ mystes & instaurator vnus ante
 matrē suam natus fuisset, & illi egregiæ foeminæ
 hac ope suum quod tot seculis non habuisset,
 restituere potuisset, vnde geminis ornamentis
 & generis & natiuitatis instructior postea ex
 eodem luto Stoam edificare potuisset. Nec de-
 fraudandus laude est aliâ mirabili, cum sermo
 huc sit relatus. Epicuræus etiam nū gargalisimus
 ab aureo torque torquebat animum, itaque in
 inuidiam eorum Dei, sine vectibus, cælis, dola-
 bris, sine omni adeo instrumento condendæ
 machinæ tam ingeniosæ ex folius nasi sui acu-
 mine lepidissimam, partem illam corporis fœ-
 minini absoluit, & in Commentarios quos,
 Chrysippū æmulatus, Dialecticos Satiricâ me-
 thodo conscripsit, retulit. Et quidem eam par-
 tem sine quâ vix vllus Poëta carmina scripsit.
 Certe quæ proximè ad cuiusq; Stoici ingenium
 sapiat, siquidem & nectar illud latere non vo-
 luit, quod linguâ allaborans, myrotheciis suis
 cōfecit. Dignus mehercle & ob hoc & ob illud
 alterum beneficium, cui omnes quotquot sunt

34 SATIR. DE VITA, MORIB.

cum illâ parte fœminę acetum quæq; suū conferant, ne vñquam pauperies acuminis Satirici defieri possit. Et sanè ipsam omnibus omnino numinibus prætulisse hominem tantæ eruditionis, præiudicium de eius excellentiâ inrefutabile est, ne quis vltioriẽ à nobis commendationem exspectet. Hęc cum iterum longiora viderẽtur, quam vt commodè meminisse possem, quamquam illud nō agebam, & magnum iam iter decreuerat, Liberiũ alio deducere volui. Et heus tu, inquam, tum & me audiendi & te narrandi suauitas transuersos agit, in aliam regionẽ delati sumus, ego vero vt cupidus audiendi ita & mira videndi ardidus sum. Duc igitur intuentem per singula & amœnitatẽ huius itineris doce. Hoc ipsum illud, est, ait per quod Numen illud nostrum iter ad cœlum facere voluit, te vero vt hominem profanum secreta Deorum audire nefas fortasse sit, & non sine metus periculo. At tu ne vereare, ego inquam, nam & olim vestigia ista attentius considerare me docuerũt magistri quæ retro non spectant, & ego domesticâ religione nō videor, et si initiorum ignarus, indignus tamen qui ea pro copiâ colam & venerer. Placuit Syllogismi effigies. Itaq; de sinu suo libellum protulit Liberius,

berius, quuius ductum secutus omnia cœli-
gradæ illius viæ secreta panderet. Quæ in eo
scripta viderim, quæque enarrari audiuerim e-
nūtiare somniū voluit. Capita vero illius sum-
ma erant: Omnes disciplinarū arcanitates, quæ
vulgo corticem lambenti numquam innotue-
rint. Hic & noui gradus Doctrinarum, & semi-
tæ perquam tenues, & Voluptas maxima du-
ctrix, cuius Numine placato, quiduis profiteri
liceret. Sed ego accuratius singula contēplans,
Cur, aiebam, diuersum igitur Stoicus ille gra-
ditur? Videbam enim vestigia prorsus incon-
stantia quæ huc illuc talipedantē, non Rationē
sed casu tulisse videbātur. Attonitus Sango hoc
insperato acumine, Tibi vero, inquit, Dii prorsus
fauent, qui illud primo intuitu obseruaue-
ris quod nos maxime & oculimus, & nescire
profitemur ipsimet Doctores sapiendi. Scias i-
gitur longē aliā debuisse, longē aliā ad Doctri-
nam viā temper Sophistas iuisse. Et detorto in
latus libro, cum diu cunctatus foret, fato ad
extremum nō restitit, & extremæ paginæ inhæ-
rens simulacrū immortalis cuiuspiam potestā-
tis, in hoc quidem genere hominū qui Variam
habitarunt, ostendit. Sed prorsus inauditæ &
horribilis formæ: Illud omnes gradus videba-

tur, omnes deniq; cogitationes Stoicorum in diuersum pro lubitu, vel solo visu distorquere atque percellere. * Nomen quærere diu non fuit, nam pallore quodam subito Sanga, & maxillarum crepitu barbaro prorsus F A M E M esse ostendebat. Me vero risus ad hoc miraculum memorem periculi, cuius ipse meminerat, subiit. Non quod in me quicquam illud mōstrum tot Gigantum victoriā superbum, posset, sed quod Sangiscus plane metu spiritum emissurus videretur. Primum enim & ventrem sonātem inediæ detestatione, vibrabat, & fauces angustitate mirabili cōtorquebat, & laxo mox gutture auras captabat. Quod horribilissimū erat, tanto stridore denteis collidebat, vt videretur nemine illorum saluo cessare velle. Cum primum rationi redditus est, grandi bolō obuiæ glebæ arrepto, matris magnæ os ori inferfit, & de cognata tellure medicinā fecit male visceribus illapso malo. Hocq; modo aduersi numinis ad tempus bile placatā, spirituq; festiuius paullo commeare adorso, me tamquā auctorem tanti periculi execrari cœpit. Tu vero, inquam, si tanta mercede nos docebis, initiorum obliuisci melius erit, vel te ipsum, si poteris. At ille non aliud iam remedium tantâ ope profuturum

turum esse, seque in vno summā spem habere, si narratam fabulam detexere sinerem, singultibus verbis vix protulit. Nam & dum diceret, solere FAMIS non raro Stoicos obliuisci, & sese mirum in modum magistri sui laudum pabulo adfici, vnde sæpè penū struxisset scilicet. Quāquam molesta res erat, ne sine duce in medio itinere irem voti sui cōpos vti esset, non minore aurium mearū periculo, quam illi faucium obuenerat, copiā feci. Ergo, inquit, vt dicere cœperā cum Romæ omnes spes cœnaticæ morte illius egregii Educatoris, decollassent, nec iam Proditoria artificium succederet, omnibus de colore corui sobolē agnoscentibus, Stoico isto opere ad vmbilicum deducto, quamuis & Famem ipsam monstrorum extremum, ea grauitate domare posse sperasset, longè tamen aliter negociū cecidit. Exortā enim subito inter potentissimam Europę urbem, & summum orbis Christiani, id quod vel vos fatimini, sacerdote disputationis necessitate, hic sibi campum in quo laudum & doctrinarum eloquentiæq; inenarrabilis turmas exponeret, ratus hac occasione aperiri, clandestinis molitionibus, & rimatione hinc inde diligentissima, cursitando atque mendicando, causæ aliquam noticiam

inuenit. Quuius semiapprensæ & numquã intellectæ fiducia, cristas tollens non temperauit, quin de domesticarũ artium luculento penu adderet inuentiones mirificas. Quid verbis opus est? Patrium officium transgredi voluit, tandemque propior etiam quam torque ipso fuerat, cruci accedere, vt vno saltu triennii integri curas tamdẽ fauentibus Diis explere posset. Itaque summe Potestati sese proditoris eximii nomine carum, & mox notum futurum, indicauit. Non videbatur à moribus suis aliena polliceri, itaque dum visus non est, aliqua in illius solutiloquentia spes fuit. Cum vero coram hominis vultum sagacissimi aulæ intuiti fuissent, illico vulpeculæ vafricies occurrit, scilicet vnum id agere vt de tanta cõtrouersia quæ terrarum orbem tumultu horribili concussura timebatur, aliquot dierum sibi pabula anquireret. Itaque, quæ eorum est ingeniosissima malitia, nec planè conantem repudiarunt, nec acceptarunt pro gemmis vitrea fracta. Sed sequestrato operæ vsu, in commodum tempus, vt si extremis contra pietatem fasque omne officiis opus esset, desperatissimi tenebrionis oculis vti possent, interim re ipsa quampiam illi pauperẽ popinam, datariorum veterum penetralia, si-

in & fumo prorsus adesa, sine mūdo aut instructo, commōstrarunt, ubi ætatem interibi Stoico more dēgeret, donec ex amplitudine nominis illo uti frui possent, tum & novas tabulās, & diplomata accepturum, quibus datariis volentibus nolentibus quōttidiē suas partes obtinere posset. Correpit igitur in illā antiquā, & parasitis iam senio cōfectis olim destinātam culinam, cum intestinis omnibus & ibi miratus lauricias, quas numquam meruisset, cœpit omnes diuitias & vota mortaliū ex alto dispicere, quoties quidem domesticis fumi nimium familiaris iniuriis oculos aperire poterat. Et dicitur in ea domuncula & campum Martium & molē Adriani, & Capitolium adeo ipsum pro lubitu singulā aut iuncta habitasse, quoties voluerit. * Dum vero in illā luce, ut loquitur, terrarum dēgeret, cum in mentem veniret, neminem malum Rōmæ esse, quī cum comparari se virtutum totius experientiæ sinerēt, irrepsit sodalitati Collegii Loiolitici hominū sanctissimorum, & quorum merita decinere terrarū Orbis pro dignitate nūquam potuit: Dudum erat cum eos homines morderē incepisset gloria generis, eruditionisq; præstātia, in quopiam Gallo homuncione, sed qui Italiæ principibus

genus deberet. Igitur à multis annis thesaurum fraudum & mēdaciorum in abditis adytis sanctuariorum suorum constipauerant, quicquid vspiam gētium famelicarum & impudentium contumeliarum volitabat, corraferant fide singulari, cum puluisculo, adeoque ad vnguium periculum, quos alioqui ex disciplina Collegii, acutos & minimè infirmos gerūt, eum thesaurum cum extrudere tandem viuentē illo capitali aduersario, ne viderētur scilicet cum laruis lemures luctari, vellent. Nec esset tamen reperire hominem adeo effrontem, qui expolire & in librum redigere sacerrimā illam struē vellent. Omnibus odium generis humani in profligatissimæ audaciæ ostento declinantibus, præterea opus esset confidentissimo nebulone, qui erubescere non posset, pudorem prostituisset, diuina & humana omnia libidini suæ postponeret: esset autem plenus sui de se existimatione, omnes præ extrema desperataque audacia ad omne nomen malitatis, contemneret, cum sursum & deorsum omnia perquisiuisent, peiorem Stoico isto inuenire nullibi potuerunt. Qui quidem quanto nequior esset, tanto probior ad hoc negocium videbatur. Itaque vltro obrepentem, primum grandi futurorū spe op-

pleuc-

pleuerunt, deinde gestientem tantum facinus patrare, vnde immortalitatem omnibus facinoribus suis confecturum putaret, in sacraria scelerum deduxerunt, sacramentoq; silentii iuncto, ad vnum omnia ipsi congesta tot annis tela cesserunt. Nactus ille materiam, iam alia curarent, imperavit. Totum se immergit mendaciorum foliis. * * Denique librum adeo horribilem exclusit, vt post homines natos, post inuentum scribendorum vsum librorum, spurcius, tetrius, & quid verbis opus est? incestius atque profligatius nihil neque scriptum sit neque cogitatum. De bonis omnibus non nisi optime meritum, (id quod de illo pessimè erat,) senem, sola illa anfa calumniandi, quod eruditione & Linguarum peritia, eminere videbatur in auditis probris, cōtra conscientiam & olim sui ipsius publica testimonia, operire atque prorsus exstinguere, quæ illius sacerrimæ struis vltima conclusio est, voluit. Artificium eruditionis in eo libro id ostēdit, vt quibus antea desipere videbatur, nunc scirēt prorsus insanum. Nam nec membro membrum, nec sententia sententiæ, nec verba verbis cohærent. Mendaciorum vero cum aliquem numerum inire aduersarii nisus est, ipse innumera falsi-

moniarum millia effudit, quibus nullus ordo, nulla anfa, denique nec caput nec præputium esset. Tot crimina criminationibus elucet, ut quamvis pro suis ipse tectorium induxerit, nemo tamen dubitare valeat; omnium spurcissimorum balatrum communem cloacam illum librum inscribendum esse. Sermonis totævi sunt; quot vix rerum tractatarum, quorum numerum tamen inire nemo potuit, nec ausus est ullus. Absoluto & extruso hoc opere, cum inde clarescere posse nomē properasset suum, mercedem sycophantiæ longæ aliam tulit. Nam incomparabilis impudentiæ & abiectissimæ confidentiæ præmiū id tulit, quod extorrem suā popinā, (regno tot votis antea posito) cum omnibus commentarum doctrinarum nominibus in maximam malam crucem, Italia ipsa exegit. Nam multi aulico aceto nasum acriter loti, cum immanem viperam suo se sibi sinu nutrire viderent, detestati venenatæ bestiæ virus tanta furiositate profusum; data explorandi prouincia, præcipitem Roma Venetias expulerunt. Voluit hoc subito fulmine attonitus causam insperati exilii percontari, sed nemo audire voluit sibilum, quem etiam aurium sensum inquinare omnes suspicabantur. * Vix itaque

taque vrbe exceſſerat, cum per nuntiũ ſequen-
tem mandatum eſt, Romam, ſi ſaluſ eſſe vel-
let, numquam rediret. Omnibus iam exoſum
eſſe, & data occasione tot facinorũ pœnas da-
turum illis, quibus ſe maximè probaturum ea
opinaretur. Quid faceret rerum omnium in-
ops, ditiffimus omnis generis confidentia vi-
tiorum, quo ſe verteret nesciebat. Nam ob-
uium quiuſ etiam plebis extremæ deſteſta-
tur. In titulis ſolum ſuis ſupremam ſalutis an-
choram hære opinabatur. Itaque illiſ vndi-
quaque ſe exornans, & tumido gradu inferēs,
Venetias perrexit. Eo cum veniſſet, homines
nihil tum eſtimantes auctoritates omnes quas
vel mētiri poterat, cum ſuo ſibi omni peculio,
quod nominibus dignitatum abſoluebat, in
carcerem publicum, cum vix horam in ea ciui-
tate fuiſſet, deportarunt. Hæc illi tum loca lau-
tia fuerunt. Altero mani, cum interim crapu-
lam ſupinæ ſuperbię penè integram dedormiſ-
ſet, additus eſt illi craffus percontator, qui ar-
gumentis non videbatur ſophiſticis uſurus, ſed
finem in bono ſtatim maloq̃ue rei ipſa inuētu-
rus. Is barbaro ſatis alloquio, cum ille diuinis
adhuc ſpeculationibus occupatus foret, omni-
bus ſpebus placendi ſtatim hominem depulit,

confessumque potius quam pugnantem extra
 fines cedere mandauit, eum ibi locum non in-
 uenisse quem sale suarum iucunditatum per-
 funderet. Exorsus tum dicitur concinnissimam
 de innocentia orationem, tali lictorem illum
 venere dicendi astrinxisse, vt homo iam de pa-
 rente eius nihil dubitaret, quem in adolescētia
 inter vespillones non extremum norat eo no-
 mine, sed paullo fortius, nominatum. Tantum
 denique suadæ medulla delinifica sua persua-
 sione effecit, vt eadem nauicula lictor extrema
 omnia non ita pridem minabundus, eum de-
 duceret, & cum de cauendis Venetorum fini-
 bus deieraret, gratiam illi senum pedum face-
 ret, quorum spacio crucem inuenire etiam in
 ea regione posse censebatur. Ita Italia terra ex-
 torris cum Augustam venisset, habitum ingre-
 di optauit monasticū, & valedicere rebus hu-
 manis, inter quas ipsum iam nemo censeret.
 Iamque in eo erat vt habitum illum indueret,
 quorot millia parens suus Charonti stitisset o-
 lim. Cum Pronæa noctu vigilanti & omnia in-
 tuenti adstitit: Torquem manu aureum præfe-
 rens. Multa velle loqui videbatur, sed ille sal-
 tu numen inuolans, medium sermonem irru-
 pit, instrumentum illud felicissimi quondam
 tem-

temporis sui, torquem videlicet exosculatur. Sed retrò pedem torquens, diua, si vis, inquit, facinorum de austeritate aliquid remittere, parens tuus fecit, quod tibi tanto opere Venetiis his diebus familiaris vnicus minabatur. Subito in spem hac oratione erectus, cum patrem suum passum esse coniiceret quod tam sæpè fecisset, contento cursu simul collegium illud & vitam solitariam erupit, vt tot titulis grauis domesticam hæreditatem cerneret, celsuris omnibus auctoritati præiudicatissimæ.

* * Cum igitur cursu eò peruenisset, vbi iam nemo eius meminerat. Pro hæreditate funem inuenit, hunc scilicet Numen illi torquem obtulerat, quem tot annos pater Lucretius, insignè virtutum suarum, collo immunem gestitasset. Sumeret patrium thesaurum, seque eo quam festiuissimè indueret, sin displiceret hoc, & concoctum vellet, repeteret memoria ex tot speratis bonis hunc solum superesse, qui hæredem sequeretur. Attonitus hoc ostento, nam rem etsi antea norat, credere tamen noluerat, ne iniuriam dignitatum suarum à sua credulitate auspicaretur, dum potuit cum omni patrimonio aufugit. * Vbi postea gentium fuerit,

rit, nesciuit ipse, nam quod opinatus est hæsum eo loci quem Secretorum curatione dixit sese indeptum, nugatus est, vel ludum nobis fecit. Hoc vero momento istic in cœli meditullio versari, mihi soli scitum est. Agit enim causam suam, vult Deus fieri, ne Chaldæorum fidem eleuet. Nam ipsi parum successibus artis fidere dicuntur. Itaque eloquentiam hominis succenturiarunt. Hæc cum Sanga dixisset Mercurium ex ostiolo prodeūtem videmus nebulosæ domus, quam cum propè iam accessissemus, nemo tamen qualis esset dispicere poterat: Iste verò manibus ambabus ilia sua sustinebat, vt videbatur, enixè cauens ne risu rumperetur. Sangam autem vix intuitus erat, cum pro aduocato intro sustulit, causatus rei præsentiam eius flagitare tam subitum patrociniū. Secutus ego mitabilissimum facinus video. Erat enim versicolor bestia, collo funem gerens, pedibus nudis, vultu relligioso, quam sanè hominem dixisses sed longo iam tempore fumo maceratum, eius res gestæ, vt natus, educatus, altus, fuisset, vt mores ipse vitamque coluisset, tabula exscriptæ ærea in vestibulo suffixæ erant. Ipsa geminis auribus non equum, neque

quidem adeo, sed asinum, nec Italicum sed Arcadicum, professâ, postâ destinata erat, iamque cum malleo Vulcanus aderat, &, tu quidem, inquit, ne frustra in hoc cœli meditullio tam comitis logis diuinitatem ambueris, ex consulto calculisq; Deorum omnium, quos tuo colorî similes ex meritis tuis contulerunt, hîc æternum diuinus esto, ut quicunque ad nos vera virtute viam affectant eos allatres, atque distentis faxeis illis dentibus, multum, sed vano conatu, terrere labores. * Ne vero cuiquam ex bonis atque benè rem gerentibus pro Imperio, atque iussu nostro ex inopinato vanum timorem iniicias, hanc tibi notâ tuarum primus Virtutum cape. Cum dicto Pyræmon grandissimas litteras CAVE CANEM ferreo sigillo, fronti monstri semihominis inussit, adeoque faciem totam liberalissimâ manu inscripsit. Vulcanus vero auribus latè & longè distentis: duos acutissimos clauos impegit, quos cum eminere altrinsecus videret, postâ suffixit, bellissimè ex altera parte paribus aliis compactos, ne vlla spes euellendi fortissimi viri filio foret. Sângam vero cum hæc videret non iam libido cōceptæ orationis expromendæ tenebat, quin præ-

68 SATIR. DE VITA, MORIB.
præceps per caputque pedesque in maximam
malam latrinam extra omnem cœli memori-
am, subito cursu viam ad terram perrumpens
abiret. Illum spes ita Cœlestium re-
rum, me somnus di-
misit.

F I N I S.



ANT 1317 P 49